

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TANO

KIKAO CHA KUMI NA MBILI

17 APRILI, 2019



ORODHA YA SHUGHULI ZA LEO

MKUTANO WA KUMI NA TANO

KIKAO CHA KUMI NA MBILI – TAREHE 17 APRILI, 2019

I. DUA:

II. HATI ZA KUWASILISHA MEZANI:

WAZIRI WA HABARI, SANAA, UTAMADUNI NA MICHEZO:

Randama za Makadirio ya Mapato na Matumizi ya Wizara ya Habari, Sanaa, Utamaduni na Michezo kwa Mwaka wa Fedha 2019/2020.

WAZIRI WA KATIBA NA SHERIA:

Hotuba ya Bajeti ya Wizara ya Katiba na Sheria kwa Mwaka wa Fedha 2019/2020.

MWENYEKITI WA KAMATI YA KUDUMU YA BUNGE YA KATIBA NA SHERIA:

Taarifa ya Kamati ya Kudumu ya Bunge ya Katiba na Sheria kuhusu utekelezaji wa majukumu ya Wizara ya Katiba na Sheria kwa Mwaka wa Fedha 2018/2019 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2019/2020.

MWENYEKITI WA KAMATI YA KUDUMU YA BUNGE YA BAJETI:

Taarifa ya Kamati ya Kudumu ya Bunge ya Bajeti kuhusu Maoni ya Kamati hiyo juu ya Utekelezaji wa Bajeti ya Mfuko wa Mahakama kwa Mwaka wa Fedha 2018/2019 pamoja na Makadirio ya Mapato na Matumizi kwa Mwaka wa Fedha 2019/2020.

MSEMAJI MKUU WA KAMBI RASMI YA UPINZANI JUU YA WIZARA YA KATIBA NA SHERIA:

Taarifa ya Msemaji Mkuu wa Kambi Rasmi ya Upinzani Bungeni wa Wizara ya Katiba na Sheria kuhusu Makadirio ya Mapato na Matumizi ya Wizara hiyo kwa Mwaka wa Fedha 2019/2020.

III. MASWALI:

WIZARA YA AFYA, MAENDELEO YA JAMII, JINSIA, WAZEE NA WATOTO:

**98. MHESHIMIWA AISHAROSE NDOGHOLI
MATEMBE (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
Hospitali ya Rufaa ya Mkoa wa Singida inakabiliwa na uhaba mkubwa wa Watumishi, uchakavu wa majengo, mifumo mibovu ya maji safi na maji taka ikiwemo na ukosefu wa Gari la kubebea Wagonjwa:-

- (a) Je, Serikali ina mpango gani wa kuipatia Hospitali hiyo Watumishi wa kutosha hasa ikizingatiwa kuwa Hospitali hii ni tegemeo la watu wengi hasa Wakina mama Wajawazito;
- (b) Je, Serikali ina mikakati gani ya kuipatia Hospitali hiyo Vifaa Tiba na vitendea kazi vingine ikiwemo CT Scan na MRI.

WIZARA YA ELIMU, SAYANSI NA TEKNOLOJIA:

**99. MHESHIMIWA RASHID ABDALLAH
SHANGAZI (MLALO):**

Atamuuliza Mheshimiwa Waziri wa Elimu, Sayansi na Teknolojia:-

Je, ni lini Serikali itapitia upya Sera ya Elimu kwa lengo la kuongeza tija na kuendana na mahitaji ya sasa.

100. MHESHIMIWA CATHERINE NYAKAO RUGE (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Kumekuwa na idadi ndogo ya Wasichana wanaodahiliwa katika Vyuo vya Elimu ya Juu katika fani ya Sayansi ikizingatiwa kuwa sasa tunaelekea uchumi wa Viwanda:-

Je, ni nini mkakati wa Serikali kuhakikisha inaongeza idadi ya Wasichana katika masomo ya Sayansi kuanzia ngazi ya chini mpaka Vyuo Vikuu.

WIZARA YA MAMBO YA NDANI YA NCHI:

101. MHESHIMIWA ANGELINA ADAM MALEMBEKA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:-Baadhi ya Wanawake huingia Gerezani wakiwa na ujauzito na hivyo kujifungulia Gerezani:-

- (a) Je, ni huduma gani wanazopata ili kuhakikisha wanajifungua salama;
- (b) Je, ni jitihada gani zinafanywa ili kuwapatia Akina Mama hao vyakula vinavyopendwa na Wajawazito.

WIZARA YA UJENZI, UCHUKUZI NA MAWASILIANO:

102. MHESHIMIWA JEROME DISMAS BWANAUSI (LULINDI):

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali iliahidi kujenga minara ya simu katika Kata za Sindano, Lipumburu, Namtona, Mcharu, Chikolopola na Mkundi:-

Je, ni lini ahadi hiyo itatekelezwa.

WIZARA YA KILIMO:

103. MHESHIMIWA REHEMA JUMA MIGILLA (VITI MAALUM):

Atamuuliza Mheshimiwa Waziri wa Kilimo:- Manispaa ya Tabora ipo kwenye mradi mkubwa wa maji toka Ziwa Victoria na Bwawa kubwa la Igombe linalotumika kuhudumia Wakazi wa

Tabora Manispaa litakuwa halina matumizi tena:-

Je, Serikali ina mpango gani wa kuliweka Bwawa la Igombe kwenye *Scheme* za umwagiliaji ili Wakazi wa Tabora waendeshe kilimo cha umwagiliaji.

104. MHESHIMIWA EDWIN AMANDUS NGONYANI (NAMTUMBO):

Atamuuliza Mheshimiwa Waziri wa Kilimo:-

Je, Wizara ya Kilimo inashirikianaje na Wizara nyingine zinazohusika na uwekezaji wa mambo ya nje kutafuta soko la Tumbaku nchini Misri badala ya kulazimika kutumia nchi za Uganda na Kenya peke yake.

WIZARA YA MAJI:

105. MHESHIMIWA QAMBALO WILLY QULWI (KARATU):

Atamuuliza Mheshimiwa Waziri wa Maji:- Kijiji cha Makhomba ni kati ya Vijiji 10 vilivyopangwa kunufaika katika mpango wa WSDPI Wilayani Karatu. Hadi hivi sasa Wilayani Karatu mradi wa maji katika Kijiji hicho haujatekelezwa:-

Je, ni lini Serikali itatekeleza mradi huo ili Wananchi hao waondokane na tatizo kubwa la kukosa huduma ya maji.

WIZARA YA KATIBA NA SHERIA:

**106. MHESHIMIWA JUMA SELEMANI NKAMIA
(CHEMBA):**

Atamuuliza Mheshimiwa Waziri wa Katiba na Sheria:-

Je, ni lini Serikali itajenga Mahakama ya Wilaya ya Chemba.

IV. HOJA ZA SERIKALI:

WAZIRI WA KATIBA NA SHERIA:

Kwamba, Bunge sasa likubali kupitisha Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2019/2020.

**DODOMA
17 APRILI, 2019**

**S. KAGAIGAI
KATIBU WA BUNGE**